

# Kilosa Yetu



Halmashauri ya Kilosa: Toleo Na. 0002: Jarida la Mtandaoni Septemba - Disemba 2023

Tufuutilie kupitia



## Kamati Miundombinu Yafanya Ziara Kilosa

- ① Inajumuisha Wahandisi Halmashauri tisa za Mkoa
- ② Watembelea Miradi Sekta ya Elimu, Afya, Utawala
- ③ Wamtaka Mkandarasi Jengo la Utawala Kuongeza Kasi

Michael Gwimile Mkurugenzi Mpya Halmashauri ya Kilosa

Uk... 3

## RC Malima Amkabidhi DC Shaka Misaada ya Waathirika Mafuriko



Mkuu wa Mkoa wa Morogoro Mhe. Adamu Kighoma Malima (kushoto) akimkabidhi Msaada wenye thamani ya shilingi milioni hamsini Mkuu wa Wilaya ya Kilosa Mhe. Shaka Hamdu Shaka kwa ajili ya waathirika wa mafuriko yaliyozikumba baadhi ya kata wilayani Kilosa na kuwaacha baadhi ya watu bila makazi huku miundombinu ikiwemo barabara na madaraja ikiharibiwa na mafuriko hayo.. Picha kwa Hisani ya Tovuti ya Mkoa

Mifumo Mipy  
Kutathmini Utendaji  
Kazi wa Wtumishi na  
Taasisi zao

Changamoto zenu  
Tutazifikisha Uk.... 2  
Serikalini;  
Dkt. Kaijage

SM Vidunda  
Watembelea  
Hifadhini  
Udzungwa

BoT: Wekeza Kwenye  
Hati Fungani Muinue  
Uchumi Wenu

Uk.... 10

**HABARI**

## **PEPMIS, PIPMIS Kutathmini Utendaji Kazi wa Mtumishi, Idara**



Mkurugenzi wa Idara ya TEHAMA Serikalini, kutoka Ofisi ya Rais Utumishi Bw. Priscus Kiwango akizungumza wakati akifungua mafunzo Kwa watumishi Halmashauri ya Kilosa (hawapo pichani) kuhusu mifumo mipyä ya Kielektroniki ya Usimamizi wa Utendaji kazi katika Utumishi wa Umma. Mafunzo hayo yamefanyika katika Ukumbi wa Chuo cha Ufundı VETA Mikumi. **Picha na Stamius Kyombo**

Mifumo mipyä ya kama vile OPRAS lakini pia itawawezesha watumishi wa utendaji kazi katika utumishi wa umma (PEPMIS na PIPMIS) imeanzishwa ili kumaliza changamoto za mifumo iliyokuwepo ya kiutumishi

kuomba mkopo wenyewe kupitia mtandaoni. Hayo yamesemwa na Mkurugenzi wa Idara ya TEHAMA Serikalini, kutoka Ofisi ya Rais Utumishi Bw. Priscus Kiwango wakati

akifungua mafunzo kwa watumishi wa tarafa ya Mikumi wilayani Kilosa yaliyofanyika katika ukumbi wa Chuo Cha Ufundı VETA Mikumi Disemba 18, 2023. Bw. Priscus ameongeza kuwa lengo la serikali kuanzisha mifumo hii ni kujenga uwezo wa taasisi za umma kuhusu masuala ya usimamizi wa utendaji kazi kwa watumishi na taasisi za umma lakini pia mifumo huu utachochea uwajibikaji

*lengo la serikali kuanzisha mifumo hii ni kujenga uwezo wa taasisi za imma kuhusu masuala ya usimamizi wa utendaji kazi kwa watumishi na taasisi za umma lakini pia mifumo huu utachochea uwajibikaji wa hiari, kuondoa upimaji usiohaksi uhalisia.*

wa hiari, kuondoa upimaji usiohaksi uhalisia.

Ameongeza kuwa mifumo huo utamwezesha mtumishi kujitathmini utendaji kazi wake kwa asilimia 70 na kumwezesha kukata rufaa iwapo hatoridhika na alivyotendewa na mkuu

wake wa kazi. Akizungumzia changamoto za OPRAS na IPCS mkufunzi wa mifumo hiyo Paul Magesa Mashauri amesema kuwa haikuwa na uwezo wa kutofautisha kada zote bila kujali aina au utofauti wa majukumu anayotekeleza mtumishi lakini pia mifumo hiyo kutokidhi hali halisi ya utendaji kazi wa watumishi hali ilioleta hisia za kupendeleana au kuoneana. Kwa upande wake Hafisa Utumishi wa Halmashauri ya Kilosa Winfred Mhwagila amewataka watumishi kuwajibika kujaza taarifa sahihi kwenye mifumo na kuwataka watumishi ambao hawajajisajili wajisajili ili kufikia tarehe 01/01/2024 taarifa kwa watumishi wote zianze kuwekwa kwenye mifumo huo.

Pia amewataka watumishi walioudhuria mafunzo kuwafundisha namna ya kutumia mifumo wale watumishi walio chini yao ambao hawajahudhuria mafunzo.

Mafunzo hayo kwa wilaya ya Kilosa yamefanyika katika tarafa za Mikumi, Kilosa na Dumila huku watumishi wasimamizi wa kada zote wameudhuria mafunzo hayo.

## **Mbunge Viti Maalum Ateta na Watumishi Kilosa**

### **Na Elizabeth Makemba**

Mbunge wa viti maalum a n a y e s h u g h u l i k i a wafanyakazi Mhe. Dkt. Alice Karungi Kaijage amefanya

ziara ya kutembelea halmashauri ya wilaya ya Kilosa na kusikiliza changamoto, ushauri na mapendekezo ya watumishi

Wilayani hapo.

Akizungumza Disemba 14, 2023 katika ukumbi wa shule ya msingi Mazinyungu Mhe. Alice amesema kuwa lengo la ziara hiyo ni kusikiliza ç h a n g a m o t o , k u b a i n i Maendeleo ya watumishi pia kupokea ushauri wa watumishi kwa serikali katika kipindi hiki cha miaka 3 hususani masuala ya kiutumishi.

Ameongeza kuwa ni jukumu lake kuhakikisha anatekeleza Ilani ya Chama Cha Mapinduzi (CCM) kwa kusimamia vema mambo mbalimbali yanayohusiana na masuala ya kiutumishi nchini. Ambapo katika kikao hicho watumishi wilayani Kilosa waliweza kuelezea changamoto mbalimbali zinazowakabili pamoja na kutoa ushauri na mapendezeo ikiwepo kuwepo na usawa

stahiki katika idara zote na vitengo, kama vile kulipwa kwa wakati malipo ya likizo na malipo ya wastaifu, kuwepo na magari kila idara na vitengo, nyumba za kuishi watumishi, fedha za usimamizi na ufuutiliaji wa miradi, kupandisha madaraja, pamoja na ongezeko la fedha za matumizi mengineyo (OC) Mhe. Alice ameongeza kuwa katika kipindi cha miaka mitatu serikali imeweza kupandisha madaraja watumishi 425,000, ambapo kwa mwaka inaigharimu serikali shilingi tilioni 1.12, lakini pia kwa upande wa ajira mipyä takribani watumishi 129, 000 kutoka serikali kuu na 21000 kutoka serikali za mitaa wameajiriwa.

Ameongeza kuwa katika bajeti ya mwaka fedha 2023/24, serikali imeweza

kuajiri watumishi 47000 na kusema kuwa serikali inaendelea kuwajali watumishi wake kwa kubadilisha miundo ya watumishi 3345.

Katika hatua nyingine, Mhe. Alice ameshauri kuwepo na utaratibu wa kufanya vikao na watumishi ili kuweza kubaini changamoto mbalimbali zinazowakabili watumishi hao na kuzitafutia ufumbuzi kwa wakati.

Naye kwa upande wake Kaimu Mkurugenzi wa Halmashauri ya wilaya ya Kilosa ndg Joseph Kapere amesema kuwa changamoto mbalimbali za kiutumishi zinaendelaea kutatuliwa kulingana na bajeti iliyopo, pia ameongeza kuwa fedha za mapato ya ndani Halmashauri ujiwekeea vipaumbele ambavyo viko kwenye bajeti.



Mbunge wa Viti Maalum anayeshughulikia wafanyakazi Dkt. Alice Kaijage akiwa kwenye picha ya pamoja na baadhi ya watumishi wa Halmashauri ya Kilosa.

# RC Malima Atoa Misaada Waathirika Mafuriko

- **Vikiwemo Vyakula, Mavazi na Vyombo vya ndani**
- **Thamani Yake ni Shilingi Milioni 50.**

Waathirika wa mafuriko Wilayani Kilosa Mkoani Morogoro wamepatiwa msaada wa vifaa mbalimbali vyenye thamani ya shilingi milioni 50 kwa lengo la kuwasaidia walioathirika zaidi na mafuriko hayo ili waweze kujikimu kimaisha wakati Serikali ikiendelea kufanya tathmini ya kina. Akikabidhi msaada huo kwa Mkoo wa Wilaya ya Kilosa Shaka Hamdu Shaka, Disemba 12, 2023, Mkoo wa Mkoa huo Mhe. Adam Kighoma Malima amesema wananchi zaidi ya 4700 wameathiriwa na mafuriko hayo huku nyumba 997 zilizingirwa na maji kati ya hizo nyumba 85 zimesombwa na maji kabisa.

"...hikitulichokusanyandiyo hicho hicho tunapeleka Kilosa hadi sasa sisi Mkoa... tumekusanya mali zenye thamani ya shilingi milioni 50..." amesema Mhe. Adam Kighoma Malima.

Aidha, Mkoo huyo wa Mkoa amesema mafuriko hayo yamesababisha uharibifu wa miundombinu mbalimbali ikiwemo madaraja manne, Barabara na mashamba, vyakula na mali nyingine huku watu wawili wakiripotiwa kufariki kutokana mafuriko hayo.

Katika hatua nyingine, **Michael Gwimile Mkurugenzi** na **Mpresa Halmashauri ya Kilosa** makabidhiano ya Ofisi yalifanyika Jumamosi ya Disemba 17, 2023.



Baadhi ya vibanda vya biashara katika eneo la Dumila vilivyoathirika na mafuriko yaliyosababishwa na mvua zinazoendelea kunyesha. Wananchi zaidi ya 4700 wameathiriwa na mafuriko hayo huku nyumba 997 zilizingirwa na maji kati ya hizo nyumba 85 zimesombwa na maji kabisa. **Picha na Elizabeth Makemba**

Mkoo huyo wa Mkoa amerudia maelekezo aliyyatoa hivi karibuni kwa wananchi wa kilosa kutodharau ushauri wa wataalam wa kutorudi kwenye nyumba zao bila kujiridhisha kwa wataalam hao hususan zilizothiriwa sana na mafuriko huku akibainisha kuwa nyumba hizo haziko salama kwa kuwa zimenyonya maji mengi na muda wowote

zinaweza kuanguka na kuleta madhara makubwa. Sambamba na agizo hilo Mhe. Malima ameishukuru Serikali, wadau mbalimbali wa maendeleo na chama cha mapinduzi kwa kuungana pamoja katika kuwasaidia wananchi wa Kilosa waliokumbwa na kadha hiyo ya mafuriko.

Kwa upande wake Mkoo wa Wilaya ya Kilosa Shaka Hamdu Shaka ameishukuru

Serikali kupitia Mkoo wa Mkoa, Kamati za ulinzi na usalama za Mkoa na Wilaya pamoja na wadau waliota misaada hiyo na kwamba Serikali inawajali wananchi wake.

Aidha, amemshukuru Rais Dkt. Samia Suluhu Hassan kwa kutoa fedha shilingi bilioni 13 kwa ajili kuboresha miundombinu ndani ya Wilaya hiyo kwa lengo la kupunguza maafa huku

akibainisha kuwa waathirika hao bado wanauhitaji wa misaada hivyo amewaomba wadau wengine kujitokeza kusaidia waathirika wa mafuriko hayo.

Naye Meneja wa Benki ya NMB Kanda ya Katiba Janeth Shango kwa niaba ya Mtendaji Mkoo wa benki hiyo ametoa pole kwa wananchi walioathirika Wilayani Kilosa ambapo benki hiyo imetoa shilingi milioni 10.

Bi. Janeth amebainisha kuwa Benki hiyo ina utaratibu wa kutoa kwa wananchi sehemu ya faida wanayoipata hususan kwa waliopatwa na matatizo mbalimbali ili kuungana na Serikali katika kupunguza matatizo kwa wananchi hao.

Akizungumza kwa niaba ya chama cha mapinduzi mkoani humo, Katibu wa Chama hicho ndg. Solomon Kasaba amemshukuru Mkoo wa Mkoa huo na Mkoo wa wilaya ya Kilosa na Kamati za Ulinzi na Usalama pamoja na wadau waliojiteza kutoa misaada kwa waathirika wa mafuriko wilayani kilosa na akatumia fursa hiyo kutoa wito kwa wadau wengine kujitokeza kutoa misaada kwani bado uhitaji ni mkubwa.

## Michael Gwimile Mkurugenzi Mpya Halmashauri ya Kilosa

Kufuatia uteuzi wa Wakurugenzi na Makatibu tawala wa wilaya uliofanywa na Rais wa Jamhuri ya Muungano wa Tanzania Dkt. Samia Suluhu Hassan, aliyekuwa Mkurugenzi wa Kilosa Ndugu Kisena Mabuba amehamishiwa Halmashauri ya Shinyanga na aliyekuwa Mkurugenzi wa Halmashauri ya Rufiji Mkoani Pwani Ndugu Michael Gwimile ameletwa Halmashauri ya Kilosa.

makabidhiano ya Ofisi yalifanyika Jumamosi ya Disemba 17, 2023.

<b>JAMHURI YA MUUNGANO WA TANZANIA</b> <b>OFISI YA RAIS TAMISEMI</b> <b>HALMASHAURI YA WILAYA YA KILOSA</b> <p><b>Karibu Halmashauri ya Wilaya ya Kilosa</b></p> <p>Hongera kwa kuendelea kuaminiwa na serikali ya Jamhuri ya Muungano wa Tanzania. Chini ya Rais wa awamu ya sita Mhe. Dkt. Samia Suluhu Hassan.</p> <p><b>NDG: MICHAEL J. GWIMILE</b> MKURUGENZI MTENDAJI HALMASHAURI YA WILAYA YA KILOSA</p> <p><b>Kilosa DC</b></p>	<b>JAMHURI YA MUUNGANO WA TANZANIA</b> <b>OFISI YA RAIS TAMISEMI</b> <b>HALMASHAURI YA WILAYA YA KILOSA</b> <p><b>KWA HERI NA KILA LA KHERI</b></p> <p>Hongera kwa kuendelea kuaminiwa na serikali ya Jamhuri ya Muungano wa Tanzania. Chini ya Rais wa awamu ya sita Mhe. Dkt. Samia Suluhu Hassan.</p> <p><b>NDG: KISENA MABUBA</b> MKURUGENZI MTENDAJI HALMASHAURI YA WILAYA YA SHINYANGA</p>
--	---

# RC Amewaomba Wadau Kuchangia

## Waathirika Mafuriko Wilayani Kilosa

**Na Stamius Kyombo**

Mkuu wa Mkoa wa Morogoro Mhe. Adamu Malima amewaomba wadau kuendelea kuwachangia waathirika wa mafuriko wilayani Kilosa kwani bado waathirika hao wanahitaji misaada mbalimbali.

Mhe. Malima ameyasema hayo Disemba 22, 2023 katika hafla maalumu ya kupokea ripoti ya tathmini ya athari za mafuriko hayo iliyofanyika katika ukumbi wa MT Mjini Kilosa na kuwakutanisha viongozi mbalimbali wakiwemo wabunge wawili wa Jimbo la Kilosa prof. Palamagamba Kabudi na Mhe. Denis Rondo ambaye ni mbunge wa Jimbo la Mikumi.

Mhe. Malima amesema kuwa misaada yenze thamani ya zaidi ya milioni mia mbili imekusanya na kugawiwa kwa waathirika wa mafuriko hayo ikijumuisha vifaa vya ndani, nguo, magodoro, mashuka mikeka pamoja na vyakula.

Ameongeza kuwa bado milango ipo wazi kwa wale wenze nia ya kuwachangia waathirika hao ambapo utaratibu uliopo ni kuwa michango hiyo hukusanya na Ofisi ya Mkuu wa Wilaya ambaye ni Mwenyekiti wa maafa wa Wilaya.

Akiwasilisha ripoti hiyo Kwa mkuu wa Mkoa, mkuu wa Wilaya ya Kilosa Mhe. Shaka Hamdu Shaka amesema kuwa zaidi ya bilioni mbili zinahitajika ili kujenga upya miundombinu iliyoharibiwa na mafuriko hayo zikiwemo Barabara, madaraja, vyoo na marekebisho ya miundombinu ya maji.

Ameongeza kuwa kamati iliyofanya tathmini hiyo inashauri mamlaka kuweka alama za tafadhari maeneo yote ya hifadhi za maji na barabara.

Kwa upande wao wabunge wawili akiwemo Mhe. Prof. Palamagamba Kabudi ambaye ni mbunge wa Jimbo la Kilosa na Mhe. Denis



Mkuu wa Mkoa wa Morogoro Mhe. Adamu Malima (kulia) akiteta jambo na Mkuu wa Wilaya ya Kilosa Mhe. Shaka Hamdu Shaka wakati wa hafla maalumu ya kupokea ripoti ya tathmini ya maafa ya mafuriko iliyofanyika katika ukumbi wa MT Kilosa mjini. Awali mkuu huyo wa mkoaa liyatembelea maeneo yaliyoathirika na mafuriko. **Picha na Stamius Kyombo**

Rondo ambaye ni mbunge wa Jimbo la Mikumi wamewata wenye mamlaka kutafuta suluhisho la kudumu ikiwa ni kutoa elimu kwa wananchi Ili waache kufanya shughuli za kilimo na kujenga kwenye hifadhi za mito.

Awali mkuu wa Mkoa huyo amefanya ziara katika maeneo yaliyoathirika na mafuriko lakini pia madaraja yanayotengenezwa na yale yanayoathirika na mafuriko likiwemo daraja la Dumila, Ilonga, Mazinyungu na la moto Mkondo na kuwataka mamlaka za maji Bonde la maji Wami-Ruvu pamoja na TANROADS kujenga mabwawa ya kuvuna maji ya mito hiyo ili yatumike kwenye shughuli za kilimo.

Aidha amewataka wananchi kuacha kufanya shughuli za kibinadamu katika Kingo za mito.

Mhe. Malima amesema kuwa Wilaya ya Kilosa imekuwa ikikumbwa na mafuriko ya mara kwa mara na kuharibu miundombinu, mali za wananchi wake na

hata kusababisha vifo, hivyo amesema sio jambo jema kuendelea kulalamika kila yanapotokea mafuriko hayo na kutaka hatua za utafiti zaidi zifanyike ili kudhibiti mafuriko hayo.

*hadi sasa mahitaji ya nayo hitajika ni pamoja na Vyandarua, Chakula, Magodoro, Dawa za kutibu maji, Sabuni, Mavazi, na vifaa vya shule kwa Watoto walipoteza vifaa vyao.....zaidi ya bilioni mbili zinahitajika ili kujenga upya m i u n d o m b i n u iliyoharibiwa na mafuriko hayo zikiwemo Barabara, madaraja, vyoo na marekebisho ya miundombinu ya maji.*

“...hatuwezi tukawa tunalalamika sisi kila siku

mafuriko...wenzetu wana utaratibu wa kuvuna maji kwa hiyo tuangalie namna ya kuyavuna haya maji yapate matumizi mengine kwa watu na hasa kwenye kilimo....” amesema Mkuu wa Mkoa Malima.

Mojawapo ya Mikakati ambayo ametaka ichukuliwe ni pamoja na kuvuna maji kwa kuchimba mabwawa ambayo yatakusanya maji yatakayotumika katika shughuli za kilimo kupitia umwagiliaji na shughuli nyingine za kibinadamu hususan kipindi cha kiangazi. Aidha, Mkuu huyo wa Mkoa amesema ili kuondokana na kadhia hiyo kwa wananchi wa Kilosa ameagiza hatua za makusudi zichukuliwe kwa kuwaondoan wananchi wanaoishi kwenye mabonde au mikondo ya maji na kuwapatia viwanja maeneo mengine ili kuepusha athari za uharibifu wa miundominu na mali zao.

Katika hatua nyingine Mhe. Adam Malima amemshukuru Mhe. Dkt.

Samia Suluhu Hassan Rais wa Jamahuri ya Muungano wa Tanzania kwa kuongeza msukumo katika kurejesha miundominu iliyoharibiwa na mafuriko kupitia watendaji wake.

Aidha, Mkuu huyo wa Mkoa amewashukuru Viongozi mbalimbali akiwemo Waziri wa Nchi, Ofisi ya Rais, Tawala za Mikoa na Serikali za Mitaa – TAMISEMI Mhe. Mohammed Mchengerwa, Waziri wa Nchi, Ofisi ya Waziri Mkuu Sera, Bunge na Utaratibu Mhe. Jenista Mhagama, Waziri wa Ujenzi Mhe. Innocent Bashungwa, Katibu Mkuu Wizara ya Ujenzi, Mtendaji Mkuu

*hatuwezi tukawa tunalalamika sisi kila siku mafuriko...wenzetu wana utaratibu wa kuvuna maji kwa hiyo tuangalie namna ya kuyavuna haya maji yapate matumizi mengine kwa watu na hasa kwenye kilimo*

wa Wakala ya Barabara Tanzania – TANROADS kwa ushirikiano walioutoa katika kipindi chote cha mafuriko na kuhakikisha kuwa huduma za jamii zinarejea, pia amewashukuru Watendaji wa Serikali ngazi ya Mkoa na Wilaya kwa kutekeleza maagizo yake ya kurudisha huduma zilizokosekana wakati wa mafuriko hayo.

Kwa upande wake Mhandisi Noel Mushi kwa niaba ya Meneja wa Bodi ya maji Bonde la WamiRuvu amesema utafiti uliofanyika kuhusu chanzo cha mafuriko hayo ni mvua zinazonyesha katika Mikoa ya Manyara katika Wilaya ya Kiteto.

**HABARI**

# RAS Awataka Wasanifu Majengo Kuepuka Rushwa, Wajitume

Na Stamius Kyombo

Katibu Tawala wa Mkoa wa Morogoro Mussa Ali Musa amewataka Wahandisi wa majengo kufanya kazi Kwa weredi ili kuikamilisha miradi kwa wakati uliopangwa huku akiwataka kujiepusha na vitendo vya rushwa.

Ameyasema hayo katika kikao cha pamoja cha majumuisho ya miradi ya ujenzi kilichofanyika katika Halmashauri ya Kilosa Disemba 7, 2023 na kujumuisha Halmashauri zote za mkoa wa Morogoro lengo likiwa ni kujenga ulewa wa pamoja na pia kujifunza teknolojia mpya zinazojitokeza kwenye sekta ya ujenzi.

Ameongeza kuwa baadhi ya Wahandisi hawafiki kuikagua miradi mara kwa mara huku wengine hawatot

**Kitu cha kwanza ambacho ningependa, ma in j i n i a wangu tujaribu i w e z e k a n a v y o twende na wakati ..... tujitabidi vifaa tunavyovitumia viende va wakati u n a o t a k i w a , ukitumia vifaa vya zanami maana yake na uwemo utakaokuva nao ni wa kizamani zamani**

ushirikiano wa kutosha kwa wale wanaosimamia na wanaotekeleza miradi hiyo wakiwemo mafundi na kuwataka waandae mipango kazi Ili kurahisisha kazi zao. Aidha amewashauri Wahandisi kuhakikisha wanajenga hifadhi za maji katika miradi mipyä husasani kwenye shule hasa za bweni Ili zirahishe uzimaji wa moto endapo likitokea Janga la moto kwenye majengo



Katibu Tawala wa Mkoa wa Morogoro Musa Ali Musa (katikati) akiongea na Wahandisi wa Halmashauri zote (hawapo pichani) wakati wa kikao cha majumuisho ya utekelezaji wa miradi ya ujenzi kilichofanyika katika ukumbi wa Halmashauri ya Kilosa Disemba 07, 2023. Kulia ni Mhandisi mkuu wa Mkoa Ezroni Kilamhama, Kushoto ni mwakilishi wa Mkurugenzi wa Halmashauri ya Kilosa. **Picha na Stamius Kyombo**

hayo.

Katika kuzijibu changamoto wanazokumbana nazoz Wahandisi hao katika kutekeleza majukumu yao, amezitaka mamlaka za kiutawala kuwapa ushirikiano Wahandisi hao huku akiwataka Wahandisi kuwa wabunifu katika kazi zao.

Kwa upande wake Mhandisi Mkuu wa Mkoa Mhandisi Ezron Kilamhama ambaye ndiye muandaaji wa kikao hicho, amesema kuwa lengo la kikao hicho ni kutambua hatua zilizofikiwa katika miradi mbalimbali kwa Halmashauri zote za mkoalakini pia kubadilishana uzoefu baina ya Wahandisi wote na kuongeza kuwa utaratibu huu hufanyika Kila mwaka ambapo huchaguliwa Halmashauri mojawapo ya kufanyai kikao hicho.

Wakiwasilisha taarifa zao za miradi ya ujenzi, Wahandisi wa Halmashauri zote wamebaisha kuwa ipo miradi iliyokamilika, ambayo haijakamilika na Ile iliyoko katika hatua za mwisho huku wakibainisha changamoto wanazokumbana nazoz katika

utekelezaji wa miradi hiyo. Kwa upande wake Mhandisi wa Manispaa ya Morogoro Juma M. Gwiso amesema kuwa miradi mbalimbali imetekelizwa katika Manispaa hiyo ikiwemo ujenzi wa shule ya sekondari kata ya Boma, ujenzi wa soko la wamachinga fire, ujenzi wa hospitali ya wilaya, ujenzi wa mabweni ya shule ya sekondari Kilakala, ujenzi wa bwalo la chakula Fungafunga, ujenzi wa kituo cha afya kata ya Tungi, ujenzi wa madaraka manner shule ya sekondari Morogoro na ujenzi wa Barabara zenye urefu wa kilometra 12.85 Naye muwasilishaji kutoka katika Halmashauri ya wilaya ya Morogoro Vijijini ambaye pia ni Kaimu Mkuu wa Divisheni ya Miundombinu wa Halmashauri hiyo Juma



Chimwaga amesema kuwa Halmashauri ilipokea shilingi bilioni 8.9 Kwa ajili ya utekelezaji wa miradi mbalimbali ya maendeleo huku miradi kadhaa ikiwa imefikia asilimia 90 ya ujenzi. Amesema kuwa zipo changamoto kama vile ukosefu wa usafiri na na upungufu wa wataalamu wa ujenzi jambo linalopelekea kuchelewa kukamilika Kwa baadhi ya miradi.

Halmashauri nyingine zilizopata nafasi za kuwasilisha utekelezaji wa miradi ya ujenzi ni pamoja na Halmashauri ya Ifakara Mji, Halmashauri ya Ulanga, Halmashauri ya Kilosa, Halmashauri ya Mlimba, Halmashauri ya Mvomero, Halmashauri ya Gairo na Halmashauri ya Malinyi.



**T u m i e n i  
Mifumo Kupima  
Utendaji Wenu;  
Naibu Katibu  
Utumishi**

Naibu Katibu Mkuu, Ofisi ya Rais, Menejimenti ya Utumishi wa Umma na Utawala Bora, Bw. Xavier Daudi amewaasa watumishi wa umma wa Halmashauri Wilaya ya Kilosa Kanda ya Dumila kujipima kupitia Mifumo Mipyä ya PEPMIS, PIPMIS na HR Assessment kwa kujaza kazi wanazotekela kila siku ili mfumo uweze kutoa alama sahihi.

Amesema hayo wakati alipotembelea kanda ya kimafunzo ya Dumila kuona maendeleo ya Mafunzo ya Mifumo hiyo.

Bw. Daudi amesema kuwa, mafunzo hayo yanalenga kuwaongeza watumishi wa umma ujuzi na ari ya kutumia mifumo ya TEHAMA katika kupima utendaji kazi na utekelezaji wa shughuli mbalimbali Serikalini.

"Serikali ya Awamu ya Sita inayoongozwa na Rais wa Jamhuri ya Muungano wa Tanzania Mhe. Dkt. Samia Suluhu Hassan inafanya juhud kubwa katika kusimamia na kutoa stahiki na maslahi mbalimbali kwa watumishi wa umma. Hivyo, ni jukumu la watumishi kumuunga mkono kwa kutoa huduma bora kwa umma" alisema Bw. Daudi.

Aidha, Bw. Daudi ameongeza kuwa, moja ya majukumu ya Ofisi ya Rais -UTUMISHI ni kusimamia utumishi wa umma, ndio maana Serikali imebuni mifumo hiyo ambayo itaboresha utendaji kazi Serikalini kwa kumpima mtumishi mmoja mmoja na taasisi.

*HABARI KWA PICHA*

# RC Malima Akikagua Miundombinu Iliyoathiriwa na Mafuriko Kilosa



# Miradi ya SWASH Utekelezwa Hivi .....

Mradi wa Huduma Endelevu za Maji na Usafi wa Mazingira vijijini ulianza mwaka 2019. Ni Mradi unaoenda sambamba na malipo kulingana na matokeo ya kazi (P for R) Mradi huu ulianza na mikoa 17 (wilaya 86) na sasa (2023/2024) imeongezwa mikoa 8 (wilaya 51) ukiwemo mkoa wa Morogoro na kufanya jumla ya mikoa 25 (wilaya 137). Kwa Wilaya za Mkoa wa Morogoro ni pamoja na Mlimba, Mvomero, Morogoro Vijijini, Gairo, Malinyi, Kilosa na Ulanga.

Mradi unasihamiwa na Ofisi ya Rais-TAMISEMI kwa kushirikiana na Wizara ya Maji, Wizara ya Afya na Wizara ya Elimu, Sayansi na Teknolojia. Lengo la Mradi ni kuboresha huduma za maji na usafi wa mazingira katika ngazi ya jamii, shule na vituo vya kutolea huduma za afya. Katika kutimiza lengo la mradi, kuna viashiria vinavyohusishwa na ulipaji (Disbarsment Linked Indicators - DLIs). Hii ina maana kwamba malipo yanategemea umahiri katika usimamizi wa utekelezaji wa kazi zilizopangwa. Viashiria

hivi vimepangwa kulingana na majukumu ya kilaa Wizara inayohusika. Wizara ya Elimu inahusika na DLIs Na. 4, lakini pia inachangia katika utekelezaji wa DLIs 5 na DLIs 7

Kiashiria kinachoohusishwa na ulipaji ni DLIs Namba 4: Idadi ya shule za msingi za umma zinazopata huduma bora za usafi wa mazingira. Hapa kuna vigezo 10 ambavyo vimeainishwa vitakavyotumika kuipima kila shule inayopata huduma bora za usafi wa mazingira. Wilaya italipwa dola za marekani 32,000 kwa kila shule ya msingi ya umma itakayoonekana inapata huduma bora ya usafi wa mazingira na afya kulingana na vigezo hivyo. Vifuatavyo ni baadhi ya vigezo vinavyoangaliwa.

**UWIANO WA WANAFUNZI NA MATUNDU YA VYOO;** Shule yenye wanafunzi chini ya 1500 [1:40 (wasichana), 1:50 (wavulana)] Shule yenye wanafunzi juu ya 1500 [1: 50 (wasichana), 1: 65 (wavulana)] na Kwa wanafunzi wenye Mahitaji maalum (tundu moja kwa wasichana na wavulana]



**MAJENGO YA VYOO;** Majengo ya vyoo vya wasichana na ya wavulana yatenganishwe Vyoo vya walimu vikae mbali na vyoo vya wanafunzi **USAIFI WA VYOO;** Mwalimu aweke mpango/utaratibu mzuri wa usafishaji wa vyoo kwa usawa kati ya vyoo vya wasichana na wavulana, Kusiwe na uvujaji wa vinyesi/matope yanayofurika kwenye muundo/vizuizi/mabomba yanayotoka vyooni kwenda kwenye shimo la maji taka, Ratiba ya usafi iwekwe shemu ya wazi ili wanafunzi wote waione, Nakala ya ratiba ya usafi iwekwe ofisi ya walimu na Usafishaji wa

wa maji safi, Kinafikika kwa urahisi na Kiwe na mfumo mzuri wa utoaji maji taka (Inspection chamber, Septic tank, Soak away au cess pit) Shule zilizopokea fedha za ujenzi wa matundu ya vyoo mpaka sasa ni 14 katika mkoa mzima wa Morogoro ambapo jumla ya shilingi 647,007,410.35 zimepokelewa.

Mradi wa SWASH ni wa Kitaifa unaolenga kuziwesha Wilaya kuvuna pesa nyingi ili kujenga vyoo vya kisasa kwenye shule zake. Ni vyema Mkoa wa Morogoro tukachangamka fursa hii ili kuboresha shule zetu.

Mradi umebakiza miaka miili tu (unakamilika 2025), hivyo basi usimamizi na ufuutiliaji wa karibu kwa Waratibu wa Mradi na Viongozi wa Wilaya unahitajika ili tupate matokeo makubwa Jamii ielimishwe kuhusu manufaa ya Mradi huu na wawe tayari kuchangia nguvu zao ili pesa zinazopatikana zitumike kununulia vifaa ambavyo siyo rahisi kupatikana kwa nguvu ya wananchi.

Imechapishwa na Halmashauri ya Wilaya ya Kilosa Idara ya Mawasiliano

Mkuu wa Kitengo Ms. Elizabeth J. Makemba

Whariri Happiness C. Luoga Asha R. Madohola

Mtengenezaji Stamius L. Kyombo

## Je Wajua?

# Dunia Huadhimisha Siku ya Kupiga Punyeto

Kila mwaka, mwezi Mei ni mwezi maalumu wa Kimataifa wa Kupiga Punyeto kila mwaka ifikapo tarehe 28 mei ni siku ya kimataifa ya kupiga punyeto duniani. Ni siku ya kupigania haki ya kupiga punyeto kwa kila mtu duniani.

### Ilianza hivi .....

Kwa mara ya kwanza siku ya kupiga punyeto iliadhimishwa tarehe 07/5/1995. Chanzo cha kuanzishwa kwa siku ya kupiga punyeto duniani kilianzia baada ya

kufukuzwa kazi aliyejikuwa msimamizi mkuu wa afya wa nchini marekani Joycelyn Elder aliyejukuzwa mwaka 1994 baada ya kutoa kauli iliypingwa na ikulu ya Marekani (White House). Joycelyn aliamini kuwa kuwafundisha watoto

kupiga punyeto kungesaidia kupunguza mimba za utotoni na watoto kujiingiza

kwenye masuala ya mahusiano kabla ya umri.



Je, una maoni gani kuhuhusu hii?

Tuandikie maoni yako kupitia  
0755323055

## Wakazi wa Maguha Wakitoa Kero Zao Mbele ya Mkuu Wa Wilaya Alipofanya Ziara Kijijini Hapo



Mwakilishi wa Mkurugenzi ndg Hussein Ayoub akijibu swalii kuhusu mfumo mpya wa hutoaji na utumiaji wa fedha za serikali ambapo mwananchi alitaka kujua utaratibu wa kutumia fedha za serikali.

Mwananchi wa Maguha akihoji kuhusu kucheleweshwa kwa huduma ya umeme katika zahanati ya kijiji lakini pia kutokamilika kwa muda miundombinu ya vyoo shule ya msingi Maguha.



Katibu wa Chama caha Mapinduzi (CCM) wilaya ya Kilosa Shaban Mdoe akitoa msisitizo kwa wajumbe wa halmashauri ya kijiji ya kuonesha ushirikiano kwa watendaji wa serikali.

Mfugaji ndg Mnyogi Mhando akiomba viongozi kupeleka huduma ya maji katika makazi ya wafugaji kwani hufuata huduma hiyo umbali mrefu jambao ambalo limekuwa kero ya muda mrefu.



Afisa Sheria Daniel Makala kutoka ofisi ya Mwanasheria wilaya ya Kilosa akitoa ufanuzi wa kisheria kwa wananchi wa Kijiji cha Maguha kuhusu uhuru wa mtu kufuata tamaduni zake.

Mkazi wa kijiji cha Maguha akisisitiza kuwa migogoro ya wakulima na wafugaji umekuwa kero. Katika mkutano huu DC Shaka amewataka viongozi ngazi za kata na vijiji kutafuta suluhihi la kudumu.

# Walimu Vidunda Wafurahia Kufanya Utalii Hifadhi za Taifa

Na Stamius Kyombo

Wafanyakazi wa taasisi za serikali na zisizo za kiserikali wameshauriwa kuwa na utamaduni wa kutenga muda wa kufurahia na kupumzika ikiwa ni pamoja na kutembelea maeneo ya hifadhi kama vile mbuga za wanyama hususani kipindi cha siku kuu za mwisho wa mwaka.

Hayo yamesemwa na walimu wa shule ya msingi Vidunda na shule ya sekondari vidunda kwa nyakati tofauti wakati wakiwa ziarani kutembelea vivutio vya watalii.

Kwa upande wa shule ya msingi Vidunda ambao wao wamezuru hifadhi ya taifa ya Udzungwaambapo Mwalimu Mkuu wa shule hiyo bw. Ramadhan

**Unapofanyanya kazi mzima ni vyema ukupa ubongo wako muda wa kupumzika hususani kipindi hiki cha likizo kwani hii inakufanya ubadili fikra (kurefresh) na unaporudi kazini Januari unakuwa ni mwenye hamasa kazini na huwezi kuichukia”**

Nkagoja amesema kuwa wamekuwa na utaratibu wa kujichangisha na ifikapo mwisho wa mwaka baada ya kufunga shule huchagua sehemu moja ya kutembelea na mwaka huu wameamua kutembelea Udzungwa..

Naye mwalimu Winfrida Kiria amesema kuwa anajihisi mwenye furaha kwani amepata nafasi ya kuona vitu vipya baada



Walimu wa shule ya msingi Vidunda wakiwa kwemye pozi la bashasha walipotembelea hifadhi ya Taifa ya Udzungwa iliyopo Wilaya ya Kilombero Mkoa wa Morogoro. **Picha kwa hisani ya SM Vidunda**



Mkuu wa Shule ya Sekondari ya Vidunda bw. Sebastian Kapunga akibarizi ufukwe wa ziwa linalopatikana katika hifadhi ya Taifa ya Saanane. Mwalimu huyo pamoja na wametembelea hifadhi hiyo kipindi hiki cha mapumziko ya siku kuu za mwisho wa mwaka. **Picha Kwa hisani ya Vidunda Sekondari**

ya kufanya kazi mwaka mzima na amewahasa wafanyakazi wengine hususani walimu kuiga jambo hilo kwani ni jambo zuri sana.

“Unapofanya kazi mwaka mzima ni vyema ukaupa ubongo wako muda wa kupumzika hususani kipindi hiki cha likizo kwani hii inakufanya ubadili fikra (kurefresh) na unaporudi kazini Januari unakuwa ni mwenye hamasa kazini na huwezi kuichukia”

Kwa upande wao walimu wa sekondari Vidunda wametembelea kisiwa cha Saanane amabapo Mkuu wa shule hiyo bw. Sebastian Kapunga amesema kuwa kwao ni kawaida kufanya hivyo kwani walimu wake wameshaufanya ni utamaduni kwao kufanya ziara kila mwisho wa mwaka.

Amesema kuwa wakati mwingine husafiri na wanafunzi wao ambapo wanafunzi hupata nafasi ya kujifunza historia na sura ya nchi ya Tanzania jambao ambalo huwaongeza maarifa katika masomo yao.

Aidha amewashauri wafanyakazi kuwa na utamaduni wa kufanya ziara kama hizo kwani huwasaidia kutengeneza umoja lakini pia huwasaidia walimu wale wanaofundisha masomo ya historia na jografia kuongeza maarifa katika kazi zao.

Hata hivyo mhariri wa gazeti hili anshauri kujengeka kwa utamaduni kwa watanzania wote hasa wakazi wa Morogoro kuvitembelea vivutio vilivyopo mkoani hapa kwani hili litaongeza mapato ya mkoa lakini pia watu wataujua uzuri wa mkoa huu ulibarikiwa kuwa na vivutio vingi vya utalii.

**HABARI**

# BoT: Wekeza Kwenye Hati Fungani Muinue Uchumi

## Na Stamius Kyombo

Wanakilosa na watanzia kwa ujumla wametakiwa kuwekeza kwenye hati fungani za serikali kuitia kununua dhamana za serikali ambazo huuzwa na benki kuu ya Tanzania kwa wananchi au taasisi.

Hayo yamesemwa na Alex Makene ambaye ni Mhasibu mwandamizi Benki Kuu tawi la Dodoma wakati akitoa mafunzo katika semina iliyofanyika katika ukumbi wa shule ya Mazinyungu ikiwa na lengo la kuwafundisha wadau mbalimbali namna ya kuwekeza kwenye dhamana za serikali kuitia benki kuu ya Tanzania.

Amesema kuwa uwekezaji huo hufanyika kwa namna mbili ambapo mwananchi huweza kuwekeza kwenye dhamana za muda mrefu ambazo ni kuanzia miaka miwili hadi 25 ambapo mwekezaji hutakiwa kuwa na kianzio cha shilingi milioni moja na dhamana za muda mfupi mwekezaji hutakiwa kuwa na kiwango

cha kushiriki ni laki tano. Aidha bw. Makene amezitaja faida za kuwekeza kwenye hati fungani za serikali kuwa ni dhamana ambazo ni salama kwani haitarajiji kukiuka mategemeo ya wadai wake wakati wa malipo, lakini pia dhamana za serikali zinahamishika hivyo mwekezaji anaweza kuziwa kabla ya muda wake kuiva endapo kutakuwa na ulazima wa kufanya hivyo na dhamana za serikali zina kiwango cha faida inayoridhisha.

Amesema kuwa kila mkazi wa jumuiya ya Afrika Mashariki anastahili kushiriki katika mnada wa dhamana wa dhamana za serikali za muda mrefu ambapo mwekezaji mwenye kiwango cha kuanzia anaruhusiwa kuwekeza katika mnada wa dhamana za muda mrefu. Hata hivyo mwezeshaji huyo amefafanua namna mwekezaji anayoweza kuanza kuwekeza na gawio la faida pamoja na faida anazoweza kuzipata

kulingana na kiwango alichowekeza ambapo viwango hivyo vinapatikana kwenye tovuti ya benki kuu ya Tanzania kuitia kiungo cha <https://www.bot.go.tz>. Kwa upande wake Mussa Ambika ambaye ni Mchambuzi wa masuala ya fedha Benk Kuu ya Tanzania amefafanua namna yay a kuanza kushiriki na kusema kuwa mzazi pia anaweza kumfungulia akaunti mwanae katika uwekezaji wa hati fungani kwani hii

imekuwa ikiwasaidia wazazi hapo baadae katika huduma za watoto.

Naye Afisa Biashara kutoka Halmashauri ya Kilosa Dainess T. Maganga ambaye pia ndiye mwenyeji wa ugeni huu amewahasa wanankilosa na watanzia kwa ujumla kuwa na utamaduni wa kuandika warithi katika taarifa zao za kifedha ili fedha hizo zisipote pale inapotokea mwekezaji au mwenye pesa anafariki dunia.



Afisa Biashara Dainess Maganga akiongea na wanamafunzo (hawapo pichani) wakati wa mafunzo ya BoT yaliyofanyika katika ukumbi wa Shule ya Msingi Mazinyungu. **Picha na Stamius Kyombo**



Bw. Alex Makene kutoka BoT akiwaonesha washiriki wa mafunzo namna ya kuijunga katika soko la hati fungani za serikali katika semina iliyofanyika ukumbi wa shule ya msingi Mazinyungu **Picha na Stamius Kyombo**

## Wanakwalukwambe Wamkataa M/kiti Wao

### Na Stamius Kyombo

Wanakijiji cha Kwalukwambe wameonesha kutokuwa na Imani na mwenyekiti wa kijiji hicho bwana Rajab Ibrahim wakidai kuwa ameshindwa kutataua kero zao lakini pia wakimtuhumu kuwapendelea wafungaji katika migogoro inayowahuishaa wakulima na wafugaji.

Wameonesha hisia hizo katika ziara ya Mkoo wa Wilaya ya Kilosa Mhe. Shaka Hamdu Shaka aliyeambatana na kamati ya ulinzi na usalama, kamati ya siasa ya wilaya ya chama cha mapinduzi (CCM) pamoja na watendaji kutoka ofisi ya Halmashauri alipotembelea kijiji hicho kwa lengo la kusikiliza kero za wananchi. Wakizungumza kwa nyakati



Mkoo wa Wilaya ya Kilosa Mhe. Shaka Hamdu Shaka (aliyesimama) akiongea na wananchi wa kijiji cha Kwalukwambe katika mukutano wa kusikiliza kero zao. Kuliani mwenyekiti wa Kijiji hicho Rajabu Ibrahim, Kushoto ni Katibu wa CCM Shaban Mdoe. **Picha na Stamius Kyombo**

tofauti wanakijiji hao wao amepoteza sifa za chanzo cha upotevu wa wamesema kuwa mwenyekiti kuwaongoza kwani amekuwa Amani katika kijiji hicho

kwa kutomaliza migogoro ya wakulima na wafugaji. Akiongea na jarida hili kwa njia ya simu, mwenyekiti huyo amesema kuwa suala hili analihuisha na masuala ya kisiasa kwani tangu aingie madarakani amejitahidi kuleta maendeleo ya kijiji ikiwemo huduma ya maji lakini pia kuongeza mapato ya kijiji.

Akiitimisha ziara hiyo, mkoo wa wilaya Mhe. Shaka amewataka watendaji pamoja na wajumbe wa halmashauri ya kijiji kumaliza tofauti zao lakini pia kushughulikia kero za wanakijiji ili kijiji kipate maendeleo.

Kuhusu sakata la mwenyekiti amefafanua kuwa mamlaka zinazohusika zitalishughulikia suala hilo kwani lishafikishwa kwao.